

咸陽縣新志序

庚寅秋余奉

命分憲關中越歲春循職掌行部至

咸陽過故豐鎬平原諸墟因索邑

誌為覽適舊文僉憲張君徵吾携

所成新志示余覽析余序諸前編

余閱之其中載記多聖帝明王之
履歷賢臣良將之出處文人騷客
之著作地理山川之勝槩自周秦
以來代有可紀不直為建置祠祀
田賦官師選舉之傳而已余遂作
而嘆曰志以垂不朽志其地志其
文又志其人志其事俾杳杳觀者
知重且慕矧重地如咸匪志曷所
托以彰盛美垂異代耶維閩陝為
古雍州域形勝甲於天下華嶽終
南苞其靈黃河涇渭衍其秀而咸
陽居雍之北渭水臨於南巘山峙

於北長安控其東槐里遠其西川
原沃野稱爲秦陸海之最區云稽
諸六籍佳咸之勝者詠說家多侈
以爲雄圖詞賦家多誇以爲鉅觀
以故古昔諸興王者每執爲要樞
聯絡四方其間將相以事業稱隱
逸以節操著皇王聖賢如君志所
云云又彪炳古今而增重於咸者
不可誣矣斯志之成也近昭當代
遠垂奕世使後人得於觀覽者僉
曰某省稱雍州域某邑稱雍州最
勝地某帝王興王於斯某將相崛

起於斯某文人萃止於斯某歌咏
闡揚乎斯則咸陽之重甲關陝而
秦之所謂邑者孰出其右耶君纂
是志以紀其美承前示後俾周秦
以來既往之盛名不至煙滅者志
為之也君之力補於世風者可勝

道弘余魯人也與秦壤相接夙昔
固聞咸之勝槩今又即君之志以
閱益信咸陽重自古昔矣君以其
志傳邑之盛余不佞為是說又以
紀君傳志之盛意云爾

萬曆辛卯夏五月

賜進士第

欽差分巡關內道兼整飭涇邠兵備

陝西提刑按察司副使東郡吳道

卿頓首謹撰

咸陽新誌序

蓋予嘗稽諸載籍中稱形勝者莫

若咸陽南臨渭水北枕嶽山東長

安西槐里峭函在其左巴蜀出其

右肇基文武迄於秦漢悉建都焉

數千年來古蹟昭垂不可泯滅豈

關中晉善地也予家食時思欲遊
覽以愜夙懷竟以疆域阻歲辛卯
謁銓曹就仕遂授尹茲邑豈人有
願而天亦從之耶予初抵任邑人
僉憲徵吾張公持新誌示予且曰
敝邑舊有誌創自弘治甲寅曆今
百載中間時事不無變更前歲督
學浙鄞漢城余公渡渭屬予續纂
而邑宰晉孟性菴樊公亦諄諄焉
予承是命因考諸古證諸今析其
條目分為卷帙名曰咸陽新誌子
既為邑大夫亦與有責焉可無言

以序子繙閱再三熟讀詳味封域
則疆理明定置則沿革當祠祀則
邪正辨食貨則田戶興至於官師
之臧否人物之盛衰薦舉之得失
風俗之淳漓以暨夫藝文灾祥靡
不因時補闕粲然悉備核而直簡
而要足紹班馬之芳軌所謂美而
愛愛而傳者也乃喟然嘆曰昔哉
張公之為斯誌也網舉目張咸陽
其指掌矣蓋天下之理有實斯名
無徵弗信咸陽名區自古記之然
非勝蹟森列何以昭遠茲編既出

名以實彰不惟履斯境者獲真於
見知而四方之聞知者一開卷而
可鏡矣予不佞來令茲土因其誌
而徧歷之則其稽諸載籍者不涉
於虛而一言一行亦冀少裨於斯
焉第才識寡昧不足以濟未免於

深懼云

萬曆辛卯季夏吉日知咸陽縣事
瀛郡李采繁謹序



咸陽縣新志

漁人曰舊志自弘治甲寅邑宰趙君璉托長安吉中舍
纂之今按其志而論其世考其時則百十年來地里山
川不無變易建置不無沿革祠祀不無興廢田賦不無
多寡輕重官師不無減否人物選舉則不無今昔盛衰
而時事則不無休咎豐歉之異刻文以載道亦以紀事
凡關於一邑備觀省昭鑒戒者豈細故哉前歲學憲漢
城余公渡渭閱舊志簡畧謬以續纂之後見委而邑宰
晉孟樊君亦恒諄諄相屬用是不揣固陋緣舊志刪繁

補缺越三載始就藁然草創雖具若備飾潤色猶有餘
媿焉奚敢遽就諸梓也今年辛卯春西安少府蘭陽李
公蒞署邑篆慨然以興廢補墜為己任諸所施為載形
輿論茲不具述而邑志纂刻尤其所先者乃過予索前
藁即捐俸命工且以校訂督刻之事委邑丞湯君分其
任焉不佞即自分踈淺加災於木亦不自恤也遂始脫
藁分為前後二卷其條目則次列有九總名之曰咸陽
縣新志云

渭溪漁人張應詔撰

咸陽縣新志目錄

西安府同知署咸陽事蘭陽李嘉麟 命刻

咸陽縣丞灌縣湯 化督刻

儒學教諭應州趙 賓

訓導涇州閻 苞

扶風張志信校刻

西安庠生王克典校謄

漁人曰志者記也記其地理風俗與政教文獻之事也
邑志創於弘治甲寅迄今將百禩舊刻既多摹誤而數

十載來邑內理要可入載籍者任其闕畧寂無參補嗣
續余重有慨焉乃因舊增新畧序訂之凡山川城廓沿
革與風俗異宜皆地理事也志地理第一官署釐序及
有司諸興作胥建置事也志建置第二理民人者先致
力於神祠祀不可緩也志祠祀第三有田則有賦有身
則有役田賦國所重也志田賦第四封宇人民匪官奚
守禮樂教化匪官執行志官師第五論人必始於鄉吾
邑煌煌代有聞者皆能為邑重也志人物第六邑之生
齒夥矣非其人疇光我邦家而刑齊民也志選舉第七
闡往啓來典籍攸賴志文籍第八起敝維風慘怛民隱
敷理道而披繪圖時事非細故也志紀事第九凡九篇
余不知其詳與畧也幸後之君子繼而正焉

前卷

地理志

山水 古蹟 景致附

建置志

行署 里分 邊鋪 河岸附

祠祀志

田賦志

物產 里俗附

官師志

咸陽縣新志前卷

地理志第一

渭溪漁人張應詔編次



咸陽本周王季所都秦舊縣也孝公十二年於渭北城
 咸陽自汧隴徙都焉三秦記曰咸陽秦所都在九峻山
 南渭水北山水俱陽故名咸陽歷惠文悼武昭襄王始
 皇二世胡亥並都之始皇二十六年一天下收天下兵
 聚之咸陽徙天下豪富二十萬戶於咸陽沛公元年秦
 二世子嬰降漢項羽引兵西屠咸陽殺子嬰燒秦宮室



火三月不滅漢高帝元年更名新城七年罷入長安元
鼎三年更曰渭城縣屬右扶風王莽改曰京城後漢省
入長安按秦咸陽在今縣東二十里係渭城里地隆慶
末年舊北城基尚存數十文年來渭水漲崩盡矣瀕河
民田淹沒甚多糧稅賠納如故清文而裁減之惟司牧
者加之意耳漢渭城縣亦治於此前石勒於渭城置石
安縣秦符堅於今縣東北長陵城置咸陽郡後魏太和
二十年徙咸陽郡於涇水北今涇陽縣是也隋開皇初
郡廢九年改涇陽縣為咸陽十一年徙故咸陽城西三
里屬雍州即秦之杜郵大業二年省入涇陽唐武德元
年復析涇陽始平置咸陽縣屬京兆郡寄治鮑橋三年
徙白起堡六年又徙便橋西北即前渭城縣天授二年
武后以其母順陵在縣界陞為赤縣次歲宋金仍舊元
省入興平尋改復

明興因之隸西安府時卓昧之初官師暫寓民居洪武四

年三月縣丞孔文郁謀諸耆老始遷今治

遷縣記在
文籍志

廣五

十里袤五十六里東長安東南藍田南鄜縣西南整屋
西興平西北醴泉北涇陽東北高陵時城池尚無也景

秦三年知縣王瑾初修之城圍四里一百五十二步是

為舊城

有記在文籍志

嘉靖二十六年虜報甚急巡撫都御史謝

公蘭分巡僉事劉公誌以邑城南臨渭水其險足恃令

拓東西北城外為廓城圍四里有奇并舊南城俱高二

丈五尺隍深城之高一丈慮深遠矣萬曆四年當事

者恃承平之文目舊城西北面為無用乃裂墉與基地

而鬻諸民今惟尊經閣東西各僅存二十餘丈向徵縣

丞陶廷芝捐俸金四十兩易留則儒學無後障風氣愈

不完矣今合舊新為一城其廓殆不可復也惜哉舊志

云雍州之域井鬼之次南臨渭水北倚九嶷槐里逸其

西長安控其東左連嶠丞右接隴蜀踐華為城因河為

池陸海之地蓋古形勝之區今西安咽喉重地也治凡

十二里今一十里

里必建置志社學下

諸山水

舊志有山原七川五井泉五渠六今按嵯峨山屬醴泉

白谷祥谷漕河三水林湟九井聖女泉俱涸沒明渠屬

咸寧永安渠久湮故不復載惟今有者載之

高陽原在縣東南二十里接長安縣界

矩陰原在縣西南二十里前有高山後即此原

洪瀆原在縣北五里東西一岡濶七里許

畢原在縣北西起武功故棗城地東盡高陵在涇渭間
南北數十里東西二三百里無山川陂湖井深五丈
周文王卒於此曰畢郢武王封其弟於此曰畢公故原
以畢名也文武成康周公太公及秦漢君臣陵墓俱在
其上亦名畢陌

鮮原周文王伐密之後相高原而徙都詩大雅在渭之
將註云在京兆府咸陽縣

咸陽原郡縣圖志云周之畢郢漢之長平即前畢原地
也

渭水經城南西出隴西鳥巖同穴山東北流入高陵縣
界至華陰入河

豐水在縣西南十一里出郿縣南山豐谷北流入渭水
經注曰渭水與豐水會於矩陰山內

馬跑泉在縣西二十五里世傳唐太宗獵此馬跑地泉
水出今泉石上有馬足跡居民獲灌漑之利

要冊泉在縣北八里其水一線極涼居民取汲不竭

李村泉在縣西北一十里村民汲飲

下村泉在縣西北一十五里

蘭池陂即秦之蘭池在縣東二十五里三秦記始皇引渭水為長池東西二百里南北二十里築蓬萊山刻石為鯨長二丈因以名其池

周氏陂在縣東南三十里週一十三里舊圖經曰漢周勃家在此其子亞夫有功遂賜此陂故地以氏稱之李善曰今周氏陂南一里有漢蘭池宮

野韭澤在縣南八里即漢十池中牛首池也史記秦上林苑傍牛首池中有自生之韭故名野韭澤

龍首渠在縣東南五里自萬年縣界流入注於渭

興成渠在縣西一十八里唐李石為相秦咸陽令韓遼治之東建水豐倉自秦漢以來疏鑿為漕渠起咸陽抵潼關三百里無車輓之勞其後堙廢雖自唐復之後復堙矣

清渠在縣西五十里自郿縣界來經縣界二十里流注於渭

潦渠在縣東南漢書云穿此渠通潦水故曰潦渠括地

志曰胡亥築阿房宮開此渠通南山之漆
諸古蹟

周文都在縣南四十里文王於此而居後人因名其地
武都在縣南五十里武王自豐遷鎬於此而都後人因
名其地

周鎬京故城在縣東南咸陽長安之間去豐二十五里
帝王世記曰武王遷鎬諸侯宗之是為宗周

周文王陵在縣北一十五里畢原上孟子曰文王生於
岐周卒於畢郢

武王陵在文陵之北距一里

成王陵在文陵前右

康王陵在文陵前左

恭王陵在文陵前

周公墓在文陵之東尚書曰周公薨成王葬於畢註曰
不致臣周公故使近文武之墓漢書劉向傳曰文武周
公葬於畢

太公墓在文陵之東周尚父齊太公呂望也鄭玄曰太
公受封於齊留為太師五世之後歸葬於齊

八士墓在縣東五十里即周之一母四乳而生八子者
秦武安君墓在縣東五里杜郵亭白起首刎葬於此今
廟存

漢高祖長陵在今縣東三十五里今涇陽縣分祀

呂太后陵在長陵西有廟

北斗城在縣東北二十里本秦離宮漢高祖自櫟陽徙
都於此周回六十里南為南斗形北為北斗形因以名
之

漢蕭城在縣東北四十里漢高祖長陵之北世傳蕭何
築城以守長陵故曰蕭城

惠帝安陵在縣東三十五里

咸陽城即長安城漢惠帝所築在縣東二十五里

斗牛城漢武帝時建在縣東二十里

天漢城漢武天漢四年建故名在縣東十數里

昭帝平陵在縣東北一十三里

元帝渭陵在縣東北一十三里

成帝延陵在縣西北一十五里

哀帝義陵在縣西八里

平帝康陵在縣西二十五里

戚夫人墓在縣東北三十里呂后陵之下夫人為高帝

寵妾

七妃墓在縣東北一十五里

趙玉如意墓在縣東北二十五里呂后陵西

蕭何墓在縣北三十里與高祖陵相去五里

張良墓在縣東北三十五里留侯陪葬長陵與高祖陵

相去五里

婁敬墓在縣東北三十里

曹參墓在縣東北二十五里

霍光墓在茂陵平陵間

周勃墓在縣東四十里

衛青墓在縣西北三十里

丁蘭墓在縣東北一十里

楊雄墓按雄家誄曰子雲以天鳳五年卒詔陪葬安陵

阪上弟子矩虎侯苞負土作墳號曰玄塚

高陽帝陵在今縣東北三十五里

隋故縣城在縣北二十二里

唐代祖元皇帝與寧陵在今縣東三十五里

唐故縣城在杜郵館西城高一丈五尺今遺址尚存

承天皇帝順陵在縣東北二十五里武則天之父也

追贈皇帝皇后舊有石碑入獸至嘉靖三十四年冬地

震碑駭人獸猶存

馮唐墓在縣東北八里

樊蕊烈墓在縣北五里

中橋渡在縣東二十五里中渭橋所今橋廢渡存

咸陽古渡每歲夏秋以舟秋深則作橋故斯地以渡名

復以橋名古梗橋久廢嘉靖間以舟為浮橋歲可長行

蓋做古梗橋制也未久又廢近來從省便每歲霜降即

以木椽搭蓋覆之以土人不病涉矣

兩寺渡在縣西一十五里渡左右有寺故名淳化三年

廢

正陽洞在縣東四十里世傳漢鍾離權備養之處

王重陽故宅在縣西北三十里即王詰備養處有劉祖

謙記可考

諸景致

漁人狀

渭陽古渡

即長安古渡也一名咸陽橋初自周秦相沿至今蓋
千百餘載矣遠則晉豫滇蜀近則省郡鄰壤之人往
來利涉而商榘漁艇益舟檜楫絡繹其間蓋滄浪與
棹歌並喧縉紳偕商賈共濟撫今追昔他處渡口鮮
或有之故為一景云

細柳清風

即周亞夫細柳營也後人因其名而植柳於其地每
歲遲日融和晴嵐向曉沙外林邊清風時布翠逕鶯
鶯柳浪青如麥浪楊花白似梨花極目東郊翳然上
林春色騷人墨客踏青舒况每有餘慕是又一景云

畢原荒塚

畢原即畢郢原塚則帝王將相之陵墓也世遠歲久
碑斷碣殘而重重墟隴如星之布兼之怪鳥幽禽閑
花野草紛紜盈眸嗟嗟五陵豪氣萬古丘丘賢人君
子佇立西風不勝於邑焉是又一景云

豐水碧波

豐水即豐水攸同之水而冬夏不涸是碧波也一派

清流澄澈涓涓東注存神禹之績中流衍姬文之澤
金鯉銀鯽時躍青鷗白鷺交飛聞孺子之歌聽幽人
之嘆吟咏將不自也也是又一景云

魚臺晚釣

魚臺即周呂尚釣魚之臺而後人做之為釣是為晚
釣焉岸草青青水萍猗猗落霞與孤鶩齊飛秋水共
長天一色一簑煙雨兩鬢風霜野寺鐘聲江村漁火
把釣一時垂芳千古視奔走塵世者不作也是又一
景云

杜郵春草

杜郵即秦將白起自刎處而春草則祠堂封合之物
也遺址血消燒草復蘇秋潛兔隱蟬噪蛙鳴睹武安
君之廟貌增後人之悵也是又一景云

馬跑泉磯

馬跑泉即唐明皇出獵馬跑出水之冰而磯則石上
馬足之跡也混混原泉晝夜不舍磷磷古石遺址猶
存色入生聚於斯渴飲憩坐灌田澣服澤被千年流
芳奕世是又一景云

龍巖翠栢

龍巖即龍巖寺而栢則一植之木也寺基十頃樹密
手抹蒼蒼鬱鬱挺然巍然柯葉貫乎四時勁節超夫
群秉月簞煙籠凌霜傲雪特而僧敲月下客坐風前
信可以却世慮而豁吟懷也是一景云

建置志第二

縣置舊在杜郵館今居城之中大中為牧愛堂左為請
益廳左前庫樓知縣賀愈建右為幕廳東西列房科各
有辭前有戒石亭亭西南為犴狴又前為儀門門東為
土地蕭何祠前為寅賓館知縣晉孟樊鎔建又前為大
門有臺有稜堂之北為後堂又北為知縣宅東為丞宅
西為幕宅大門外南為旌善亭三間申明亭三間亭之
左為醫學一間正西為
儒學東西濶二十丈南北長三十丈前門三間中門一
間
明倫堂三間左博文齋右約禮齋各五間後為
敬一亭
四箴亭又後係舊城因築臺為

尊經閣五間知縣安州李時芬建堂左右舊有號舍四十餘間今止存十之一二正西為教諭宅一訓導宅二舊志有學倉有射圃今俱廢矣

渭水驛在縣東洪武四年縣丞孔文郁建舊為皇華傳舍萬曆癸酉知縣賀愈改為部使行署惟三間中門小館驛一所內有馬神祠馬廐廩給倉料豆倉驛丞宅囚徒獄俱如故

遞運所在縣西亦洪武四年孔文郁建內有牛玉祠大使廬宅監房俱如故宅北舊有車房二十五間後圮萬曆元年知縣賀愈初為部使行署

陰陽學詹志在縣前南巷門一間房三間廢久今更設在南察院西與醫學共一處計濶六間
僧會司在玄帝廟北石佛寺

道會司在城隍廟

杜學舊在縣治前有學舍一所教讀一人嘉靖末年知縣周欽以東察院前無官廳因以杜學易民地而此學遂廢矣惟時猶令各里設一教讀就鄰近祠宇俟農暇乃始集教亦應故事耳今并教讀而亡之嗚呼蒙養作

人之本有司可弗加意哉

諸行署

東察院在縣治東洪武四年縣丞孔文郁建

西察院在縣治西正統六年知縣王璣建西安府廳二

所一在縣治東北正統六年知縣王璣建一在縣治西

南弘治六年知縣趙建建

南察院在南巷西城下萬曆元年知縣賀愈建

演武場先在舊北城外因民居密比炮射不便萬曆四

年知縣曹傳議與居民兌換遂改建於城西五里舖之

東南前為大門內亭三間圍以垣牆名曰新教場

預備倉在縣東街近積貯粟谷麥豆一萬餘石

養濟院在東城門北巷

草場舊志在城北門內門一間濶八丈長二十丈嘉靖

間被鄰近有力者占之夫草藁糧儲軍國重事也草可

以無場糧亦可以無倉乎念國計者宜查復之

抽分廠在城東南隅門坊及長濶四至近知縣樊鎔查

申撫院立石記界碑記

在文籍

市集在縣內者且無間日在方內者有北社村馬家庄

諸里分附廓曰在廓東北曰安業東賀渭城安谷東南
曰河南西北曰延陵蕭相西曰陳良白良凡一十三

諸急進舖六處總舖在縣治前迤東一舖抵長安曰河

南舖迤西二舖抵興平曰泉下舖曰官子舖西止二舖

抵醴泉曰上趙舖曰程村舖

渭河岸漁人曰正德前未脩築也脩築自正德十五年

庚辰始惟時河水泛漲岸崩處知縣底蘊制檣板築土

障之邑人監察御史張緯有脩河記迨嘉靖初年前岸

又崩始為石砌保障固矣美陂王翰林有射脩河岸記

越萬曆十七年舊岸傾圮大半河水即不漲亦流近城

基邑人患之知縣樊鎔目擊其害白諸撫臺西蜀趙公

重脩之邑人監察御史張應詔有重脩河岸記以上三記在文籍志

祠祀志第三

文廟在縣署西明倫堂前前為戟門又前為櫺星門洪

武四年縣丞孔文郁建宣德二年知縣朱肇重脩天順

二年知縣賈仁重脩成化十年知縣李經重脩弘治五

年知縣趙璉增置說在文籍志櫺星門內泮池萬曆五年縣丞

陶廷芝脩門外土屏并左右木柵欄萬曆辛卯春郡二

守蘭陽李公夢麟署邑篆初建戟門左名宦祠右鄉賢祠西為 啓聖祠前文昌祠近堪輿家謂尊經閣孤高後無照映擬築臺建閣於此閣之北不為無見記在文籍志社稷壇在西北廓門外舊有門三間房九間今圯惟壇地存濶二十丈長三十五丈

風雲雷雨山川壇舊在城東嘉靖二十六年築廓城占廢後同社稷為一壇神祇無定位矣萬曆辛卯春郡二守李公夢麟并蜡廟初脩於東城外良重祀典哉

厲壇在北門外舊有門三間房三間今圯惟壇地存濶十丈長四十餘丈以上三壇俱弘治元年知縣趙俊始

脩

城隍廟在東門內成化八年知縣李經鼎脩記在文籍志

玄帝廟在寺巷口舊北城上

張王廟在南巷城下

東嶽廟在西門內

太白行祠在西街中

三清殿在新東城下

玉皇廟在三清殿南

孤魂廟在新東城門內

龍王廟在南城門外臨河

金花聖母廟在北街

文武成康祠舊無嘉靖初年里人居要地者毀聖母殿

改建其用意微矣漁石唐公青記在文廟志

文王陵

武王陵

成王陵

康王陵

周公墓

太公墓以上六陵墓載在祀典每歲丁祭後縣令消日

請府守主祭值公冗縣令代之三年仲秋

主上遣官御祭以本縣邑小難無令整屋鄆縣各分祭一

陵載在令甲

漁人曰

周家陵墓並

文廟城隍山川諸壇玄帝東嶽三清太白諸廟歲時祝

釐義不得廢它若境內淫祠無慮千數里人尚鬼握手

觸禁享賽競相求勝糜費不惜所司亦且恣聽不為禁
止豈古者報成遺意哉然薄祖考而廢禮於天神僭妄
甚矣可一切防止改為八蜡於禮為正而移風易俗此
係不小嘉靖庚寅

令郡國祀八蜡今所在多有而邑里獨缺易名正祀惟
良牧哉

田賦志第四

夏秋地三千八百八十五頃五十八畝零

夏稅起運糧三千五百六十六石九斗存留糧二百四

十石

秋稅起運糧三千二百三十三石七斗七升三合五勺

存留糧八石九斗二升八合三抄

戶一千一百口二萬七千三百五十

綿布一千一百四十二疋二丈六尺四寸六分

農桑絹六十七疋二丈二尺五寸

均徭銀功二差共銀一千五百七十一兩一錢六分九

釐八毫八絲

站銀一千八百二十二兩八錢七分三釐

戶口食鹽鈔無閏六萬五百四十八貫共折銀一百七十二兩九錢九分四釐二毫八絲

酒課並各色門攤稅銀二十一兩四錢二釐七毫 祭

文廟 社稷壇 風雲雷雨山川壇 邑厲壇並

文武周公大公四陵墓共銀一百二十七兩六錢

芒神土牛銀一兩 鄉飲酒禮銀六兩 支直銀

八十二兩八錢三分八釐 鋪陳銀四十兩八錢九

分三釐

知縣柴薪銀四十八兩馬夫銀四十兩縣丞柴薪銀二

十四兩馬夫銀四十兩典史柴薪銀一十二兩馬夫銀

四十兩 新官到任脩理家活銀兩正官二十兩 佐

貳首領教官各八兩 教官齋夫銀無閏七十二兩

有閏七十八兩膳夫銀二十兩 察院門子二名

關內道門子一名 布政司門子一名 南察

院門子一名各准銀一兩

周文武二陵 周公墓 周太師墓各門子一名

共准銀二兩 渭水驛倉斗級一名准銀三兩

本縣門子四名共准銀二兩 縣堂皂隸二十二名

每名准銀二兩 禁子五名每名准銀三兩 機

兵二十二名每名准銀三兩 接替皂隸五十名每

名准銀二兩 儒學門子四名每名准銀一兩五錢

預備倉斗級二名每名准銀二兩 連舖六處

司兵三十一名每名准銀二兩 鐘鼓夫五名每名

准銀一兩 渭水渡夫五十九名每名准銀三兩

千家渡夫十名每名准銀三兩 中橋渡夫十名

每名准銀三兩 豐河橋水夫二名每名准銀五錢

波羅堡廣足倉大戶二名每名准銀二兩 清

水營倉大戶三名每名准銀二兩 本府永豐倉大

戶一名准銀三兩 本縣官學倉大戶一名准銀二

兩 寧夏倉大戶三名每名准銀二兩 榆林廣

有庫大戶二名每名准銀三兩 固原州倉大戶二

名每名准銀二兩 蘭州廣積倉大戶一名准銀二

兩 均徭大戶二名每名准銀二兩 站糧大戶

一名准銀二兩 鮮本府備理清軍廳銀二兩五錢

渭水驛館夫銀四十五兩 渭水驛鋪陳庫子

二食銀二十四兩 河西齋夫銀有閏一十三兩無

閩賦一兩

舉人盤纏銀遇大比年一十兩六錢

歲貢盤纏銀一十八兩

學士本折盤纏銀五兩

解府公費銀六兩夫役銀二十一兩

軍需料

物本色蘇木等項共折銀五兩一錢五分零

匠價

銀七兩六錢五分零

漁人曰吾邑賦役往者不可曉也據所及見者謬亂紛紜不可勝道予重有感焉彼長吏者或初服官政未悉民隱俾老書黠算賞行及後至有舉手以付之者且奸民巧為規避買官鬻吏無所不至任意低昂增減此其為弊非淺鮮也昔在漢人有言民有七死今之書算無乃其八與司牧者加意於初派致慎於毫忽參驗於由帖而又明出告諭民之愛惠也多矣

物產

漁人曰物不必珍奇貴在奉生需用邑地無他奇穀則粟穀黍稷大麥小麥蕎麥芝麻及各色豆粟則絲麻綿花果則桃杏李梨核桃棗柿葡萄白果蘋果石榴櫻桃花則牡丹芍藥菊葵萱草芙蓉月繼雞冠木則桑柘椿栢楊柳榆槐皂莢竹惟淡竹木竹草則首菊蓀草菰則

蔥韭芥薤茄蒜萬苣蒼蓬同蒿蘿蔔菠薐胡蘿蔔芫荽
白菜蔓菁薺菜爪則西瓜冬瓜甜瓜王瓜菜瓜瓠子葫
蘆藥則地黃香附子專前子紅花艾水萍禽則鸛鶴鴈
鵲鳩雀烏鴉寒鴉鴝鴉鴉鴉鴉鴉鴉鴉鴉鴉鴉鴉鴉鴉
鷄畜則牛馬騾驢猪羊犬鷄獸則狐兔鱗則鯉鯽鮎魴
介則龜鼈蟲則蚕蟬蜜蜂蝦蟇蛇蝎蜻蜒蝮蜈蚣蜘蛛以
上諸物在在有之非特產也錄之見土宜所有耳

里俗

漁人曰十月農功畢有喪之家登葬事富者為磚石砌
玄堂貧者穿土為穴里鄰戚黨遇貧乏者共為賻儀
陽之言歲竟多婚嫁寒食鄉人祭於墓士大夫亦不
名曰拜掃若夫冠必拜其尊者無繁文婚禮論財亦量
其家士峻名節農苦稼穡工者不作窳商者多販筏木
羊毛褐德諸物予少時猶見少者尊教長者行有不馴
畏人如水食稱乎其家恐貽鄉里笑乃今少凌長敢為
不遜性惡不檢家無十金之貲而豐衣美食不顧其後
且負氣踰關顧其心亦多覺悟知其教化亦易入也
至若男務力奉女事織績即老亦不倦貧而益力過

國有嚴正之洪先時而備及時則輸納爭先為一省家此則俗之美者也

官師志第五

秦閻崇秦人為咸陽令政治肅然下民敬畏

漢胡建河東人為咸陽令清介平易去後涇人立祠祀之

義縱河東人文帝時為長陵令立法公正不避貴戚

嚴延年居下邳景帝時為平陵令坐殺無辜去官後人

思慕不置

何並即何武弟成帝時人能治劇為長陵令道不拾遺

遷潁川太守名次黃霸

朱博字子元初為咸陽令與蕭育為友時人語曰蕭朱

結綬王貢彈冠成帝朝封陽鄉侯

段熲字紀明初舉孝廉為咸陽令與黃甫威明張然明

並知名京兆號為京兆三明

皇明知縣洪武初莫可考據舊志即洪武二十年以後亦

未盡錄止錄其賢者示思齊也

張斌溫縣人監生洪武二十七年任勤政愛民不事酷

刻陞大理寺評事

郭在豐太康人永樂元年任舉孝廉即以孝廉化民邑人感德陞死馬寺丞從祀名宦

葉輦餘姚人舉人永樂六年任自潮陽典史陞知縣廉

幹寬平民賴安堵以丁外艱去

王瑾安肅人監生正統四年任政平訟理重脩廟學任

滿邑人感德保留再任尋陞延安郡守從祀名宦

李經邠州人監生成化元年任有幹濟之才將滿邑人

保留尋以才望調咸寧後陞綏德郡守感人思慕立

德政碑

載文
續志

趙俊定興人舉人成化二十年任平易近民六載擢鳳

陽郡二守

趙璉歸德州人舉人弘治四年任興利除害造士興學

至今傳頌

孟統山東寧陽人監生弘治十四年任一錢不受百廢

俱興節愛堅持循良馳譽陞漢中府判後入名宦祠

傅昇山東臨清人舉人正德元年任動止莊嚴應務閑

雅事無廢陞丁外艱去

楊睿直隸獲鹿人舉人正德五年任性介政公六事克

備四民向化三載陞太僕寺丞

底蘊河南考城人進士正德十二年任公清仁恕循良

著名歷陞巡撫甘肅右副都御史從祀名宦

李仁直隸濬縣人舉人正德十六年任廉明果毅吏畏

民懷歷陞戶部郎中

陳文舉直隸慶都縣人監生

馬彥河南築陽人舉人

楊賢南直隸六安州人監生

楊欽直隸香河縣人監生嘉靖二十三年任性直行方

法嚴政舉以不詭隨蒙誣與論惜

孫湛南直隸賁池縣人監生嘉靖二十五年任

薛鳳四川巴縣人監生嘉靖三十年任

李時芬直隸安州人舉人嘉靖三十二年任政平訟理

造士興學初建尊經閣並敬一四箴亭李考及朔望

臨學講書歲無一廢士民愛戴焉以守制回

潘應科山東齊東縣人舉人嘉靖三十四年任

周欽山西長治縣人監生嘉靖三十七年任有嚴有翼

不煩不擾益歲五年其均丈邑田甚公民利於今守

之陞河南歸德府通判

李希松直隸雄縣人監生嘉靖四十三年任

冀野直隸唐山縣人舉人嘉靖四十五年任

王三錫四川內江縣人進士嘉靖四十六年任歷進兩

淮監運司運使

賀愈山西臨縣人進士隆慶三年任陞臨洮府知府

曾傳四川瀘陽縣人舉人以制國

傅需山西忻州人進士萬曆五年任陞陝西道監察御

史

宋國相山東濱州人進士萬曆十年任雅度清操長才

憲政士民方切愛戴惜不數月遭疾逝矣咸民傷之

從祀名宦

何師聖四川內江縣人舉人萬曆十二年任

樊銘山西孟縣人進士萬曆十五年任

李采藻直隸瀋陽中屯衛籍江西新喻縣人舉人

縣丞孔文郁金華人監生洪武二年任慈祥節儉設施

不群遷縣學暨諸公署深得民心人至今頌之

楊文寶山西陽城縣人監生弘治十二年任綽有治聲

王中孚山東寧海州人選貢嘉靖四十三年任

李承芳湖廣監利縣人監生隆慶元年任

李希仁山西清源縣人監生隆慶四年任

陶廷芝四川綿竹縣人監生萬曆二年任

康功河南鄭州人選貢陞雄縣知縣

王顯忠山西偏頭關人息貢萬曆十一年任

李思進河南杞縣人歲貢萬曆十四年

湯化四川灌縣人選貢萬曆十六年

典史自正德前按舊志不載其姓名今備詢之父老得

諸籍記者亦僅數人姑錄之嘉靖間有四川陳子華楊

應公文等山西亢鑑李春芳直隸裴寧李嶽張克慎

陸慶爾有四川熊慎萬曆間有山西李守約四川任良

茂補建張銘勳河南姜騰河間任志先之數人者蒞事

先後又迥不同然轉州幕者惟良茂一人餘可知矣

教諭在宣德間有李士毅其籍貫未考作重脩咸陽縣

廟學記文學足觀記在文籍志成化間有河南睢州黃琮

舉人文行足為模範陞翰林院待詔山西沁水王賓
貢士教規嚴善為關輔儒庠寂四川南部楊通文行
甚優弘治間有山西忻州閻濟舉人以規矩教士陞
礪山縣知縣孔慶由舉人

先師六十六代孫弘治十八年任庶孝忠誠士類敬服以
憂去後入名宦祠正德以後暨嘉靖二十年以前庠
博淑慝未可考茲錄其後者俾嗣其職者取擇云張
恪山西蒲州人貢士性剛少文陳生四川名山縣入
以選貢中陝西己酉科鄉試學淵行潔識高才敏師

模出類者陞延川縣知縣魏邦彥山東嶧縣人粗鄙
近利謝載河南郊縣人貌偉目昏士無怨言穆伯澄
山東高唐州人禮度閑雅足範諸士陞山西平定州
學正吳光四川大足人禮度從容善處僚友劉春齡
四川富順人舉人器局文行允堪師範陞漢中紫陽
縣知縣以上著人品淑慝查係作古蓋公論定於蓋
棺之後也曹第四四川大足縣人張价延安保安縣人
陳嘉言山東曲阜縣人陞保安縣知縣趙賓山西應
州人

訓導在宣德初有河南南陽縣丘陵以舉人署訓事身
範諸士久而不倦累遷山西左布政使在成化初有
四川南部楊通作鼎新城隍廟記惜舊志不載其行
事在嘉靖間有襄陵縣王佩趙城縣趙賢尉氏縣陳
古道澤州原明永寧縣徐來用泗水縣張尚古富順
縣蕭智獲鹿縣韓儀鞏昌府卯應對何悉陞狄道縣
諭扶風縣王衡戊午舉人陞山西廣陵縣知縣麟遊
縣劉誦陞肅府教授涇州閻芑
扶風縣張志信

人物志第六

漁人曰咸陽古建都之地長陵平陵皆古咸陽地故人
才產其間者胥列之俾後人知景仰也

周壤駟赤古咸陽人孔門弟子長於詩書唐封北徵伯
封上封侯

漢田蚡長陵人好儒術武帝時為太尉與丞相竇嬰推
轂趙綰等所言皆聽封武安侯

田千秋長陵人為高廟寢郎會衛太子為江充譖廢千
秋詔太子寃武帝感悔召見而悅之拜大鴻臚數月

為丞相封富民侯昭帝時年老命乘小車入宮因號
車千秋

張山拊平陵人為博士師小夏侯建論石渠官至少府
施讐長陵人從由王孫受易梁丘賀薦之拜博士與諸
儒論難五經同異於石渠閣

鄭寬中平陵人有雋才師張山拊傳小夏侯之學成帝
時賜關內侯

朱雲平陵人少輕俠年四十從師受易成帝時為槐里
令上書願借上方劍斬佞臣張禹上怒欲斬之御史

將雲去雲攀折殿檻上命舍之

賈逵平陵人身長八尺二寸和帝朝為侍中能明左氏
春秋國語為之訓詁

雲敞平陵人師事同縣吳章王莽斬章門人皆更名敞
時為大司徒掾獨稱吳章弟子將章尸以葬將軍王
舜高其志節比之樂布為中郎諫議大夫

第五倫長陵人峭直無私京兆尹閻興召為主簿署都
錢掾領長安市市無阿枉百姓悅服每讀光武詔書
歎曰此聖主也一見決矣章帝時權為司空曾孫懂

以司徒掾奉使稱職封高密侯至宋元祐末始遷三水縣高曆戊子鄉試第五嗣光中式

張湛平陵人矜嚴好禮動止有則光武朝洋光祿勳數諫諍常乘白馬上每見之輒曰白馬生復諫矣後為太子太傅

班彪字叔皮長陵人才高好述作遂踵史記作傳數十篇傳於世

班固字孟堅彪之長子七歲能文及長博貫載籍明帝朝典校秘書續父所著西漢書及作兩都賦與賦記

凡若干篇

魯恭字仲康平陵人世吏二千石父為武陵太守卒時恭及弟丕尚幼晝夜號踊稍長居太學講誦章帝朝與講白虎觀出宰中牟政有三異後為大司徒丕通五經舉賢良累官陳留郡守拜侍郎

何敞字文高平陵人六世祖比干武帝朝為廷尉正敞性公直累官汝南郡太守拜五官中郎將

樂恢長陵人性廉直好學和帝朝為尚書僕射第五訪倫族孫少孤貧傭耕以養兄嫂有暇則力學任

為新都令政平化行順帝時為張掖太守開倉賑濟
不俟上報帝璽書嘉之

趙岐長陵人少明經有才藝徵拜議郎著孟子章句並
三輔決錄後居荊州卒

梁鴻字伯鸞平陵人受業太學家貧尚節里有女孟光
者擇配不嫁鴻娶之俱入霸陵山中業耕織光每具
食舉案齊眉

竇融平陵人廣國七世孫更始拜為鉅鹿太守光武即
位授涼州牧從征隗囂以功封安豐侯

班超字仲升固之弟有大志家貧傭書養母嘗投筆嘆
曰大丈夫當立功異域以取封侯安能久事筆硯間
乎乃投征西域安集五十餘國封定遠侯

蘇不韋平陵人

竇武平陵人少以經術著稱延嘉中以廷服親拜侍中
封槐里侯

孫騰字龍雀咸陽人少質直解吏事為濟南武督都封
長孫伯後燕尚書左僕射

魏相字弱翁平陵人

王嘉平陵人

蘇章字儒文平陵人

隋嘗祭芝古平陵人深沉有器局文帝初拜右武大將軍
唐崔敦禮字安上古咸陽人多涉書傳以節義自持武德
中為通事舍人善辭令官至中書令

竇威字文蔚有器局通群書家世喜武威獨尚文武德
中為中書令

竇枕威之姪也少聰敏博覽武德中為納言贈司徒子
三長行襲爵次靜為尚書次誕為宗正少卿

竇德玄威之姪孫也英邁過人群臣舉為左相教子懷
真嚴切後真果為侍中

五代郭曙咸陽人少負忠義代宗危急走咸陽衆皆奔
潰曙與童僕數十獵射聞蹕謁道左周旋甚善帝勞
之累官司農卿

李憚咸陽人舉進士為翰林學士遷刑部尚書

金蕭貢咸陽人大定進士調涇州觀察判官有美政佐
丞董師中薦其文學除翰林脩撰言時政五弊言路
四難詞意切至累官戶部尚書好學老而不倦註史

記一百卷

元馮顯威陽人太學生慶之高祖也從戎有忠勇授金牌指揮賜明遠將軍鄉人相傳至今偉之

皇明高士文威陽人質直剛果善騎射洪武末從平內難出入戰陣累陞前軍都督府會事征交趾多勞勩取廣源與賊力戰而死追封建平伯

漁人曰黃河如帶泰山若礪國以永存爰及苗裔此

祖宗至訓也建平伯子孫孤弱至今襲廢無能據子所見

聞前有高道興後有高添爵俱蒙

奏勸已明苦無力以成其事殉國大助艱於財用俾其後不克與國同休持國是者宜憫恤焉

隱士

魏浩安業里人不樂仕進隱居龍岩遂號龍岩先生志

正性良幼善記誦長通經書大旨子史律算書法亦

無不研究喜作文尤長於詩賦辭遺藏虛集於里門

中給事中趙泰因作傳曾孫學敏中萬曆乙酉鄉試

李儼安谷里人隱德弗耀號渭陽散人性剛直讀書明

道理通五經大畧得鄉先生劉源授以大易圖序遂

知數學遠近求言凶者告之無不應詩酒自娛以樂
天年遺藁十卷名曰擊壤後塵

許傑在廓里人學不師授自解孝經論語及長好通鑑
綱目暇則作古風律詩樂府自成一家鄉社子弟多
所啓發周貧恤孤尊賢敬老尤其夙心也有遺藁教
卷傳於里中

孝子

王汝成在廓里人邑庠廩膳生故民王朝之子萬曆七
年蒙

聖旨建坊表里

茹宗伊在廓里人天性至孝嘉隆間父母在晨昏必定
省饗餐必躬奉婉容愉色叩首請食先值母故泣踊
幾死以父在稍自全而事父委曲比母在更篤暨父
繼娶伊善事繼母若親母然其遇遘疾醫藥罔効嘗
糞知其難愈痛哭萬倍終三年之喪蓋未少間也大
孝終身慕父母其斯之謂與

許汝清前名山縣諭許仲同少子隨父在任父疾嘗湯
藥衣不解帶晝夜焚香籲天乞以身代且食素躬炊

爨終歲匪懈父疾愈清竟以憂勞嘔血而死名山縉
紳暨闔庠士哀而嘉之贈有詩詞立孝子碑於墓前
張希賢邑庠增廣生蕭相里人幼知孝讓父守正邑庠
生母豆氏存日凡飲食蔬果必先奉親如有餘方食
否則不敢自用一日父疾湯藥賢必躬嘗然後進至
疾篤焚香籲神願以身代嘗糞知不瘳流涕不已三
年未嘗見齒且甘貧守義志大行端縣人稱其門曰
清脩嘉士

張延祚儒學生員善事父母母疾嘗藥誓神願以身

代母逝朝夕哀毀泣血而卒人以孝子稱之

節婦

杜氏東賀里民劉五妻年二十歲守節成化間蒙

聖旨旌表

董氏在廓里民趙潤妻景泰五年蒙

聖旨旌表

謝氏在廓里民貞宗義妻年八十

卓氏知州馮志學妻二十九歲守節知縣人旌表其門

杜氏在廓里原膳生員張英妻年九十歲守節之社母二

十六歲守節壽八十五歲曾蒙

奏聞

王氏在廓里巴縣知縣谷取妻三十二歲守節壽八十

二蒙院道建坊表揚

許氏在廓里民趙良翰妻二十一歲守節無前室子與

生子無異而甘貧守節矢死無怨言里人有以禮求

姻者輒怒詈痛哭人敬重之萬曆十六年蒙

聖旨建坊旌表今七十二歲

竇氏陳良里儒士劉應魁妻二十一歲守節夫亡矢死

父母勸免孝翁姑撫遺弱動遵禮法嫻婦道今

二歲屢膺當道表閭給之粟帛尚未

奏聞

趙氏在廓里內江知縣張應登妻三十歲守節屢膺當

路優給粟帛今六十七歲

劉氏在廓里民潘章妻

李氏在廓里民王猷妻典儀道誠之母

魏氏在廓里民王施義妻二十歲守節今六十七歲

許氏在廓里民魏崇儒妻二十五歲守節今七十二歲

茹氏在廓里民張九鳳妻安岳尹執中之母三十歲守節今七十歲

勅贈孺人

張氏在廓里民李宗儒妻二十六歲守節今七十五歲
貞氏在廓里民張崇祿妻二十一歲守節

許氏在廓里民郭民德妻一十九歲守節今七十六歲
蔣氏在廓里民蕭體元妻一十八歲守節今六十三歲

趙氏在廓里民王萬鎰妻二十五歲守節今七十四歲
馮氏安業里民朱朝選妻二十七歲守節今七十歲

康氏在廓里監生王道平妻二十六歲守節今六十歲

蕭氏在廓里民竇邦安妻二十五歲守節今八十三歲

朱氏安業里民杜仲清妻二十歲守節蒙本縣建坊表

其門閭

王氏安業里民杜希奎妻二十三歲守節男杜雲祥妻

趙氏二十八歲守節蒙本縣懸匾表閭

鄭氏安業里民杜崇義妻二十五歲守節今七十八歲

杜氏蕭州里民王計妻十九歲守節男王來之妻程氏

二十歲守節孫王元知妻劉氏二十五歲守節祖姑

孫貞節三世

王氏延陵里民程浪妻二十歲守節今八十歲

趙氏延陵里民鄭開妻娶二十日夫故守節今八十歲

程氏蕭相里民王崇備妻十九歲守節

察氏蕭相里民王獻妻十九歲守節今八十歲

許氏在廓里貢生杜希顏妻二十歲守節

張氏在廓里民許洛妻二十八歲守節壽七十一歲

劉氏東賀里民張宗魯妻三十一歲守節今六十五歲

楊氏在廓里民豆偉妻二十二歲守節今七十八歲

賈氏在廓里民王邦金妻二十八歲守節今六十六歲

吳氏在廓里民豆世登妻二十一歲守節今五十六歲

趙氏渭城里生員張汝同妻二十歲守節今八十六歲

劉氏安業里民楊孟朝妻一十九歲守節今六十一歲

王氏在廓里民史東直妻二十四歲守節

劉氏安業里民楊榮妻二十二歲守節今六十一歲

漁人曰吾邑為豐鎬故地醇風未盡撕滅人生其間多

以忠孝節義相尚士之孝者奚惟一王生汝成女之

節者亦不惟一許氏也然行著鄉閭名重輿評者屈

指數之甚多准一時遇與不過而旌表與否頓殊耳
此不可以槩孝節也嗟夫窮鄉小邑即有司亦不能
聞况

朝廷乎故今以其名咸載於篇俟論定而遇崇節孝者
奏聞若知有之而若是止焉非有司之責哉

選舉志第七

漁人曰國初科舉之制未定士用明經頭者要不少矣
惜舊志不載其姓名子生也晚自永樂以下稍克知
之其上即其子孫有不可得者故多闕焉

科

永樂三年乙酉科二人

鄭孜延陵里人授刑科給事中

劉源在廓里人授戶部司務

六年戊子科三人

趙紀在廓里人累官刑部員外郎

張旻安谷里人授容城學訓導

蕭韶在廓里人授東阿學訓導

九年辛卯科三人

謝瑛陳良里人授激江府學教授

安樂陳良里人授南京中城兵馬司指揮

蘇亮延陵里人未仕

十二年甲午科二人

魏進延陵里人授成都府通判

劉錫安業里人未仕

十五年丁酉科二人

蘭謙安谷里人未仕

趙哲安業里人授楚府紀善

十八年庚子科一人

張亨安業里人授寧縣學訓導

二十一年癸卯科三人

許謙在廊里人未仕

史倫河南里人未仕

趙益在廊里人未仕

二十四年丙午科一人

王鏞延陵里人未仕

宣德元年己酉科一人

馮志學在廓里人授嘉定州知州

正統六年辛酉科一人

張鵬安谷里人授容城學訓導

九年甲子科一人

姚顯涓陽里人累官太僕寺寺丞舊志云儀貌奇偉
鬚長尺餘見者起敬且志大學博業成均時兩上疏
皆闢異端崇聖道安社稷之謀公之大名著於天下
擢言職為不利己者抑之出宰武城民愛之如父母
丁內外艱俱廢盡側教鄉社子弟後陞太僕寺將大

展所蘊值疽背而逝士林惜之今入鄉賢祠

景泰元年庚午科一人

張翰安谷里人授泰州判官

成化四年戊子科一人

趙泰在廓里人員外紀長孫也乙未進士授戶科給
事中

十三年丁酉科一人

劉玉在廓里人累官後軍督都府經歷

誥封奉政大夫從祀鄉賢祠

十九年癸卯科一人

真彝在廓里人累官霍州知州

二十二年丙午科一人

谷賑在廓里人授巴縣知縣入己名宦祠

弘治八年乙卯科一人

許資在廓里人歷官岢嵐州學正

十四年辛酉科一人

張緯安業里人辛巳進士授江西道監察御史

勅封文林郎

十七年甲子科一人

張鏜在廓里人授安邑知縣調靜海縣

正德二年丁卯科一人

史章在廓里人授高平學教諭

五年庚午科一人

谷高在廓里人甲戌進士歷官山東按察司副使

八年癸酉科一人

谷遠在廓里人授霍山縣知縣

十一年丙子科一人

王獻在廊里人癸未進士歷官江西道監察御史山西布政司左參政從祀鄉賢祠

勅封文林郎

十四年己卯科一人

張崇德在廊里人歷官直隸河間府同知

誥贈奉政大夫從祀鄉賢先尹山西嵐縣有先祠

嘉靖四年乙酉科二人

朱廷寶蕭相里人授東阿縣知縣

劉坤陳良里人授那臺縣知縣

勅贈文林郎從祀鄉賢祠

十年辛卯科一人

劉諾玉之子授長子縣知縣

十三年甲午科一人

王道直獻之次子庚戌進士歷官四川按察司僉事

十九年庚子科一人

劉祐蕭相里人歷官永寧州知州

二十八年己酉科一人

吳登高在廊里人授綿竹縣知縣

三十四年乙卯科一人

劉應元坤之子授奉節縣知縣調蘆山縣

勅封文林郎

四十三年甲子科一人

張應慈崇德次子連捷乙丑進士授內江縣知縣

隆慶元年丁卯科一人

張應舉崇德長子歷官絳州知州

四年庚午科二人

邊自化延陵里人授平陸縣知縣

郭然咸寧縣人寄學授巫山縣知縣

萬曆元年癸酉科四人

薛應元東賀里人

張應詔崇德第三子歷官貴州道監察御史湖廣按

察司僉事

勅封文林郎

張執中在廓里人授四川安岳縣知縣

勅封文林郎

侯侶延陵里人授北京武學訓導

十三年乙酉科四人

劉藻白良里人未仕

劉崇流陳良里人

魏學繼安業里人

張希以安業里人

十六年戊子科二人

薛承教應元之子

張邦貴延陵里人

十九年辛卯科

貢

洪武永樂年

竇誠在廓里人授宛平縣知縣

史九成在廓里人授趙州判官

劉彬安業里人歷官工部郎中

杜遜安業里人授刑部主事

張睿在廓里人授慶雲縣典史

許貞在廓里人未仕

趙端安谷里人授歸德州同知

吳助在廓里人授河江縣知縣

胡臣在廓里人未仕

張祥在廓里人未仕

趙達在廓里人授蠡縣知縣

張懋在廓里人未仕

張羽安業里人授戶部主事

蘇民延陵里人授德平縣知縣

許敞在廓里人授濟南府通判

賀敏福安業里人授襄陽府知縣

宣德正統年

劉原河南里人授戶部司

張昇在廓里人崇德之高祖授雲南布政司理問

權衡陳良里人未仕

魏躄在廓里人未仕

谷芳在廓里人授金華縣王簿

楊球蕭相里人授樂陵學訓導

張瑄安谷里人授順天府通判

荆綸河南里人未仕

魏質在廓里人

康震在廓里人授南京錦衣衛經歷

王斌秦川里人授館陶縣王簿

張鐸在廓里人累官光祿寺署正 勅封徵仕郎

景泰天順年

賈賢延陵里人授溧陽縣知縣

竇健在廓里人授祁縣知縣

侯爵延陵里人授偃城縣知縣

杜澤安業里人授山西都司斷事

張舉渭城里人授贊皇縣丞

南昭在廓里人授魯山縣主簿

董芳河南里人授海豐縣丞

龐雍蕭相里人未仕

成化弘治年

張斌安業里人授太平縣丞

張諒在廓里人授太興縣主簿

張鏞河南里人授陳州吏目

王錫安業里人授新鄉縣主簿

侯恕秦川里人授杭州府檢校

馮慶在廓里人

魏闕在廓里人

李瑄渭陽里人

李翥陳良里人

陳進在廓里人

王璽在廓里人

魏璽在廓里人

怡忠安業里人

李璿渭陽里人

正德年

張瑛在廓里人授威靈長官司吏目

王佑

劉欽安谷里人歷官霸州學正

王輅在廓里人授寧波府檢校

郭祿在廓里人歷官靜樂縣知縣

馮廷重在廓里人歷官叙州府通判

魏胤安業里人

張晟

劉釗白良里人授浙川學訓導

李軒安谷里人授屯留縣丞

單瑄白良里人

谷廩在廓里人歷官潁上縣教諭

王一心在廓里人

邊士貞延陵里人

劉秉在廓里人授宜賓縣王簿

趙俛在廓里人

杜宗禮安業里人授平順學訓導

竇縉在廓里人授陽武學訓導

王銳河南里人授單縣縣丞

魏維在廓里人

劉天祿在廓里人授壺關縣主簿

嘉靖年

張萬里在廓里人授靈石縣丞

竇一貫在廓里人歷官鄆城縣知縣

謝唐在廓里人授雲南衛經歷

李元安業里人歷官河間府教授

劉天民在廓里人秉之子未仕

康莊在廓里人授滎陽縣訓導

茹玉延陵里人授蓬州學訓導

史濟河南里人未仕

魏崇叙在廓里人歷官滎河縣知縣

許仲同在廓里人資之次子歷官名山縣學教諭

王來聘延陵里人未仕

郭澄蕭相里人授武陟縣丞

魏誥安業里人學徵之父授孟縣丞

負鳴岐在廓里人孫之孫歷官趙地學教諭

許成人在廓里人歷官高縣學教諭

張汝登在廓里人授雞澤縣知縣

張朝用涓城里人授長治縣丞

張尚資河南里人授

主簿

史秉良章之子歷官贊皇縣教諭

王萬鎔在廓里人授安化學教諭

隆慶元年恩貢

張應詔中癸酉鄉試

杜瓊安業里人授臨漳學訓導

薛國榮應元之父遙授教諭

杜希顏在廓里人未仕

賁鳴世鼎之孫歷官洪洞學教諭

劉一元白良里人授潘府教授

萬曆年

劉允升綬之父授安邑縣主簿

石應祥東賀里人授大名府學訓導

尹邦棟蔚相里人

張應聘崇德第四子授安岳縣丞

杜三聘安業里人授清澗學訓導

薛承教中戊子鄉試

劉弘人語之子未仕

許汝與仲嗣之子授深水學訓導

張宗文漆湖之父

許汝賢蕭相里人

其以列入太學者據舊志自嘉靖年前惟我嘉籍履若
年分則慢不可考也

馮惟巖慶之祖也洪武年間以人才舉歷官交趾諒

江府推官

侯諒延陵里人授嘉祥縣知縣

任良延陵里人授永州衛經歷

史猷在廓里人累官北京上林苑監正

謝道陳良里人授永平府經歷

魏愷安業里人

胡温涓陽里人授漢陽府教授

史簡在廓里人

張秀陳良里人授任上縣丞

許春在廓里人授任上縣主簿

王才在廓里人授千戶所吏目

王春河南里人授武城縣主簿

邵麟渭陽里人授兗州府檢校

宋隆安谷里人授益亭縣主簿

王泰河南里人授博野縣主簿

楊興安谷里人授富順縣主簿

魏達在廓里人

岳嵩在廓里人

王佐延陵里人

許志在廓里人授眉州吏目

杜克敏安業里人授諸城縣主簿

張縉在廓里人

谷敏在廓里人高遠二公之父任河南府學教授

杜新安業里人未仕

王績在廓里人未仕

康翊在廓里人授嘉興府知事

陳翰渭城里人授淄川縣主簿

張崇禮鐘之長子授北京兵馬司吏目

社承承希希之

米養賢廷寶之子未仕

王道正獻之長子未仕

張九韶在廓里人

王道平在廓里人未仕

來朝興平縣人未仕

張應鳳崇禮長子授沁水縣主簿

趙子官在廓里人授鴻臚寺序班

王謀淵里人未仕

王周滑城里人

張致大應詔長子

張書紳延陵里人

王淑績道直之子

崔臻延陵里人

李三聘蕭相里人

趙子宇在廓里人

趙子宙在廓里人

以掾史入官者不可勝紀惟列其名於官者

杜御安業里人授霍州同知陞晉府審理封徵仕郎

耆民與鄉飲者

史斌在廓里人

趙賢在廓里人

邊秀延陵里人

谷孝忠在廓里人敏賑康高遠之高祖也

谷恭在廓里人賑之祖

王春在廓里人

貞禮在廓里人

劉志學在廓里人

張顯在廓里人

竇海在廓里人

許溫在廓里人

王通在廓里人

魯讓在廓里人

王剛在廓里人

張友興在廓里人

董榮河南里人

張志善在廓里人

賀鑑安業里人

王亮渭城里人

負宗義在廓里人蚤失怙恃事繼母以孝聞輕財尚義敦鄰睦族正統間年飢濟調貧乏甚多後為里長里人歌曰陳公宰社負公長社其見重鄉評如此

張興在廓里人敦本尚義動循天理處人無欺偽景泰五年凶荒煮粥濟飢全活者不可勝數邑侯黃公聞而嘆曰張公陰德及人後世其昌乎累生四子成化五年

勅封徵仕郎

張秀在廓里人理問昇長子河間二守崇德曾大祖也舊志昇居官以清白是持不為子孫生述記秀幹盡克家卓然自立凡鄉黨婚喪弗克舉者即資助之書生有貧乏者以燈油給之諸所施為悉中禮度遠近之人無不敬慕焉

許榮在廓里人輕財重義嘗商臨鞏獄有杜升等三十人犯虧官糧刑責將斃榮傾心輸布若干足代償其數卒免重刑後家業益盛孫許資中式人以為天

報德也

嘉靖年以後耆老

吳演在廓里人

張彥文在廓里人

楊榮在廓里人

侯章延陵里人

許思在廓里人

張本東賀里人

賈銳在廓里人

劉漢陳良里人邢臺尹坤之父應元祖也

張鐔在廓里人

王臣河南里人

吳資在廓里人綿竹尹登高之父

張鎬在廓里人

張時霖渭城里人

王枚渭城里人

崔文林在廓里人

史秉義在廓里人

蘇文延陵里人

鄭朝宗延陵里人

張宋在廓里人

許守信在廓里人

趙鳳鳴延陵里人儒官

翟永吉安谷里人

杜得春安業里人

王大金東賀里人

王朝元渭城里人枚之子

王宗元河南里人

吳登時在廓里人登高之兄

侯明延陵里人

王序安業里人壽官